

瑤

華

集

姑蘇懷古

徐階鳳

金風送暑見十里花洲荷殘淺渚江水澄鮮一碧落帆  
如雨蘇臺勝蹟今何在映斜暉老楊三五畫船歌歇戍  
樓笳動幾家砧杵問昔日吳宮美女歎香消西館珠  
沉南浦吳越興亡豈盡蒼天爲主前吳更有後吳矣剩  
荒臺蟋蟀相語獨憐秋月年年似鏡照人今古

四十九歲感遇詞

余懷

江山依舊惟捲地西風忽然吹透只有上陽白髮江南  
紅豆繁華往事空流水最飄零酒在詩瘦六朝花鳥五  
湖煙月幾人消受問千古英雄誰又况霸業消沉故

園傾覆四十餘年收拾舞衫歌袖莫愁艇子桓伊笛正  
落葉烏啼時候草堂人倦画屏斜倚盈盈清晝

立秋

陸進

梧桐堪賦忽搖落秋來惹起愁緒天末涼風乍動美人  
何處羅衣紈扇驚時序下庭階紛紛白露兩湖蓮盡六  
橋柳色倩誰爲主況此際閒情無數奈簫咽西樓砧  
催南浦門掩清宵燈似和人相語漏聲滴入芭蕉雨使  
沉沉不教天曙怕他重見寒生錦瑟舊懷難訴

香簪亭看桂

顧景文

小山橫簇看澹日烘雲堆滿金粟閒倚青紅亭院晴飄

輕馥深叢占斷三秋景  
倒芳樽細傾千斛寒蟬猶咽啼  
蠶乍起晚風搖綠  
更旖旎睡魂初足共兔影蟾光一  
生相逐袖滿天香肯把翠睂微蹙紅牙小板涼州管且  
偷翻桂枝新曲露濃人悄玉京吹下向花間宿

蟹

朱彝尊

緯蕭截水見半漾湖波半撐湖嘴此際菱歌漸少滿塍  
香穗魚師菰飯新炊後任欹斜擗頭船蟻肥沙響處連  
江露白一燈紅細  
便入跪雙螯都利被鉤筐掩就仄  
行無計試放閒塘蓼岸描成秋意須愁解甲隨潮去添  
瘦葦一枝扶起履霜聽遍聲聲宛似玉琴絲裏

前題

新霜晚渡見燃葦鴻天落潮魚步盡掩青筐縛急腥涎  
齊吐津門水市無人問聽軋軋小車鳴路攜來九陌不  
知還有酒徒閒否又何況鄉園秋暮任空江築舍斷  
沙名浦酥片金穰那管玉纖黏住橙陰菊外登高宴提  
鮑陽甕邊儔侶年年長擘燭斜画舫水涼朱戶

憶往

李良年

粉牆如雪認枇杷幾樹是相思葉水榭吹紅點點上他  
裙襖玉鈎暗捲玲瓏竹儘移燈載愁雙櫂輕舸細落頰  
雲微映枕函斜月記客寫薤書銅盒有蛺蝶見來鸚

鵲能說十載征衫空做一番離別乞漿崔護今憔悴怕  
重尋笑人桃靨如何夢裏相逢依舊好花時節

蟹

早杭初刈正墜葉點溪半篙秋水郭索無聲橫蹴晚涼  
疎葦延綠野老投竿罷又潛來鷺沙邊艤滿攜雙籠數  
錢長在曉風漁市又重趁天涯倦旅把江北江南閒  
較丰味喚煮看擎小疊赭衣匡背珊瑚難得春蔥迸  
微紅水晶盤膩菊香搓後長亭一任酒帘搖翠

前題

宋 肇

江湖歲晚正水落空洲楓下高岸設罾平沙敗葦燈光

零亂輪囷乍向臨流得掩青筐霎時皆滿誰憐攜去漁  
莊草舍清霜一片又早是重陽款宴歎秋色殊佳籬  
金初徧幾處酒人對擘新橙同薦老饕只愛持螯嚼蟹  
看山曠懷如見還從醉後茶烹石鼎恍覩雙眼

前題

鈕琇

蘆花颭雪正遠岸夕陽秋老時節初見寒汀出水暗莎  
衝穴西風吹醒興亡恨稻雲黃年年吳越沫拋珠碎臍  
壁小橫行相接記舊賦老饕曾說喜小字金錢沈  
醉香骨況有橙心黃破菱腰青折而今空憶江南好向  
何時重整歸櫂纖簾霜後篝燈星下一樽魚筏

過北郭廢第有感

沈爾燝

繁華盡歇有野葛披牆荒蘿侵垣物換星移幾度淒涼  
時節銜城一片斜陽晚炤平蕪淡黃明滅傷心誰是無  
梁棲燕有枝藏鳩憶前度綠芳剗草便磨洗猶存池  
上碑碣此日重來不見耕鋤摧裂斷垣西轉人家在聽  
聲聲絡緯淒切秋風禾黍問誰譜入野狐遺闕

送蔣開泰同學鄉貢遊雍

潘宗洛

制科帖括慣賺盡名心添了華髮聖主憐才憐到秀才  
僑盼明經三十猶云老摠輸君少年時節山亭家世竹  
山詞卷後來英絕喜此去閒坊靜業把夏課驚傳座



倒群傑五次擒元上舍都人應說今朝相送雙溪外到

迴颿錦標先奪河橋楊柳也知滴翠染君衣摺諸葛武侯日殿

在副秀才當今儔朋也國史補云三十老明經五十少進士

秋夜

釋原詰

寒蛩語細聽訴盡淒涼客心將碎不捲珠簾怕見月華  
如水鷓鴣愁黯黯渾如醉爲悲秋一番憔悴碧天空闊画  
樓縹緲鳳簫初起昔曾向花間竹裏把玉卮浮白編  
袖凝翠自去瀛洲仙馭頓忘塵世而今諳盡愁滋味更  
休提故人千里夜闌酒醒參橫斗轉最憐無寐

玉燭新

上元獻中寄憶

龔鼎孳

天街風定後想畫鼓雲繁絳籠星就虎城豹柝輕煙外  
逗出銅龍春漏侯家錦毯醉不了珠場花候誰信道青  
髯孤臣今宵雪霜盈袖依稀燭下屏前有翠麝綃衣  
月明安否小睂應闕恨咫尺不見背燈人瘦香柔粉秀  
猛伴得英雄搔首千古意惟許水綠平原對繡。

玲瓏四犯

咏墨紗燈

李符

誰擘珊瑚嵌幾幅蟬紗向玳梁挂淡墨輕勻籠住燭花  
紅射黯黯片鏡無光偏照出粉粧姚冶似朦朧蟾彩凝

煙真有藥蛾飛下。更看面面花枝好。訝雙葉亂開春  
夜依稀四角。懸針字。猜謎消瓊竿。蛾綠忽倚玉屏莢。苗  
指眼波微瀉。露月華裙子。一般顏色闌他圖畫。

壽樓春

無題

朱彝尊

天桃花清晨記。晴窗挂鏡。螺黛初勻。鷲地鸚歌傳語。捲  
簾逡巡。纔一笑。渦生春。悵無言。嬌含朱脣。乍茗椀。攜來  
湔裙去也。微步洛川神。同心苴。同心人。裁春山。綉鳳  
疊就紅巾。懊恨明珠難斛。燕書無因。深巷小生。秋塵歎  
重來。烏龍信信。想人面依然。春衫着。應穩稱身。

卣叔將歸西泠詞以調之

龔翔麟

迎潮樓玲瓏。見鰕鬚卷處，長擁蟲蟲。月午花辰，爲侶擷  
香芳叢。燒筍候蘭闥中。網栗留羹調纖蔥。却坐傍狻猊，  
碧山銀枕，先勸酒鱗紅。江淹浦。愁雲濃。問吳儂何事，  
一霎飄蓬。從此勞勞亭外，水郵重重。休計口經春冬。早  
鏡奩魚噉頰茸。判歸受伊憐。須抽綠帆黃雀風。

擬樂府體

陳枋

呼天椎心兮。陡絃摧柱。促垂涕交頤。憶昔生而無母。愍  
孫何依。翁念我呱呱啼。一雛生兮。諸雛饑。我卽此雛耶。  
翻飛久矣。吐哺不知誰。余嘗讀陳情辭。曰西山日薄。

願遂初衣奈已時當終養貴兮何時縱不羨他家兒奈  
釜中何無餽糜老年起長嘆令人聞之心骨悲

又

歌聲何其哀豈情傷窈窕心實難灰誤到盧家堂後屏  
爲子開三十六鵲鴛排釵挂冠今無嫌猜昔與締絲蘿  
胡爲竟爾中道兩相乖青鸞自東方來惟佳人贈我  
金錯撝回上有雙鵲之綺寄言君裁長決絕朱顏催更  
復何言君奇才卓家重錢刀高車問君安在哉

又

噫吁嘻悲夫聲何淒以苦歌者誰乎顙叔敖之苗裔負

城下界打霜鐘。醉臥三山絕頂。倒看萬個長松。

話舊

西湖花月地。櫻笋熟。鱖魚肥。記粉袖銀箏。青簾画舫。煙柳春堤。驚風一朝吹散。歎西興兵火。渡人稀。白髮龜年。尙在青山。賀監重歸。恰相逢。紫蟹黃雞。猶唱縷金衣。奈狂客愁多。秋娘老去。落木烏棲。無情斷橋流水。把年光流盡。付斜暉。世事浮生。急景道人抱膝。忘機。

過濟南

天清華不注。搔首望白雲。齊想尙父夷。吾雪宮栢。寢衰草長堤。松耶栢耶在否。祇斜陽七十二城。西石甯功名。

何處鐵籠籌算都非。儘牛山涕淚沾衣。極目雁行低。  
歎鮑叔無人。魯連未死。憔悴南歸。依然洋洋東海。看諸  
生奏玉簡。金泥誰問。碣磔戰骨。秋風老樹成圍。

避兵

錢繼章

問南飛鳥。鵲欲繞樹。樹偏疎。歎生也何辰久。拚戴笠不  
擬乘車。家添鶴鹿三口。又滿船風雪。類歸漁。散髮行吟。  
倦矣焚琴。晦跡方初。庭前百草互盈虛。春雨莫憂渠。  
儘由他分定。誰知饑飽。莫問肥羶。最憐杜陵驥子。痛棲  
棲。飄泊果何如。幸共鄰兒把釣。休如乃父耽書。

飲乳魚軒

余懷

老農兼老圃問此地是誰家  
正紫燕歸梁白鵝浮水粉  
蝶排衙陂塘東風漲暖小山邊  
開徧杜鵑花玉版新篁  
褪粉金錢蓮葉含芽  
閉門閑種邵平瓜漁釣是生涯  
况公子西園佳人南國醉帽欹斜  
來往風流二老聽乳  
魚軒外一池蛙匙滑清香蓴菜盤堆爛熟枇杷

過馬湘蘭故居

顧貞觀

數鳴珂舊曲誰第一擅歡場有燕骨千金楚魂九畹姓  
氏餘香秦淮尙流膩粉奈溫梁改署白雲鄉碎玉一聲  
何處迢迢銀漢紅牆散花曾許嫁王昌半偈衲衣償  
聽長板橋頭魚山清嘒別是淒涼鄰庵漫題孔雀羨當



年三十六鴛鴦對此莊嚴妙相從他惱亂柔腸

別意

沈豐垣

慣銷沉歲月離別意兩相關奈葉落銀牀燕辭翠幙風  
景初寒無端又蛩吟響惹離人愁緒積下般畫碎檀香  
小几低徊細數前歡花間笑整綠雲鬟人靜掩屏山  
証深盟只指風姨婉轉月姊團圓難拚自輕分後漫空  
留羅袖淚痕斑誰在暮煙影裏紅樓寂寞凭闌

過故友周文夏園亭

陳維崧

東風昏似夢又吹我此間行算有限歡娛無多光景也  
費經營曾聽笑呼猿鶴待功成綠野始尋盟空却池塘

睡鴨留些欄檻穿鶯。盈盈殘月不勝情，依舊卜簾旌。  
歎堤楊尙短，林花未滿，舞館先傾。清明滿園蝴蝶，只和  
煙帶雨，舞迴汀黃雪。廊邊舊事，水明樓畔，前生。

戊午中秋同旣庭賦

昨歲中秋與旣庭同在玉峰三友園

舉觴浮皓魄，何故向客中圓。只斫月吳剛，登樓王粲，一  
樣難眠。長安金波萬頃，儘六宮三市浸其間。天上桂輪  
晶餅，人間玉臂雲鬟。年前曾在馬鞍山，半醉恰憑欄。  
對丹崖翠瀑，狂歌曼嘯，漏盡纔還。誰憐萍踪無定，又天  
街攜手共君看。今夜鳳城雙闕，素娥分外嬋娟。

月下笛

賦得舉頭望明月低頭思故鄉 蔣景祁

玉杵搖光金樞轉夜素波千頃  
姮娥殿悄捲晶簾弄妝  
鏡寒聲蕭颯凌空至最怕是  
鳥鵲驚棲不定又沉沉雁  
字遙天飛度鳳樓無影  
夜丙漏方未奈焰小燈昏曲  
闌低凭幽暉耿耿團團此意  
誰省多情特地來相照照  
不出流黃杼冷露正下聽  
頽垣一縷秋蟲細引

蠟梅香

本意

錢芳標

牆角亭亭襯欲雪凝雲漸晡寒日料得東皇驛舍煥催  
芳信幾九先坼約畧檀心渾未透蜂兒消息正覩粧人

含章睡起試安嬌額。折供膽瓶斜怕吹來橫管。鮮砌  
狼籍一線幽芳襲縱。玉爐蘭燼讓他燃蜜。小幅泥金淡  
淡把孤山描出。向曆殘時松醪偏浣杏衫春色。

珍珠簾

賀洲譜

咏簾

沈岸登

綠筠剪取煙江畔。依然是帝子啼痕紅染。細節理千絲  
愛玉鈎長綰象篋犀釘初上了。勝一片湘雲纖軟。深院  
更白珠連綴翠羽橫卷。最怨陌上鈿車被春風搖曳。  
暗藏人面惆悵碧紋迴有冷波吹練。鎮日珊瑚慵不起。  
便串斷蜻蜓誰管。銀蒜休誤了歸來画梁雙燕。

憶舊

顧貞觀

櫻桃讌罷人歸後。正煙籠淡月疎窗如畫。紅藥欄邊當日親攜素手。睡起微聞花歎息。似記得星罍密咒。依舊對漂香泊粉。幾枝清瘦。不久心期輕負。爲深憐痛惜。越添憊。慙十載綺羅情。對昨宵殘酒。誰道醒來都是恨。只剗地曉風楊柳。知否料古今一例斷腸回首。

賦得水晶簾下看梳頭

曹貞吉

雕房幾曲桐陰裏。金塘側第一傾城姝。麗鬢髻照人明。學遠山螺髻。蟬影花光相撩亂。襯一片芭蕉濃翠。清綺更珊鈎。犀押冷波橫地。疑是月底初逢。被冰輪掩映。

織綃情思宛轉玩瓊顏倩曉風吹起人在銀河清淺處  
倚白玉欄杆如水心醉想道書牖把幽懷旖旎

宋牧仲先生齋賦白鸚鵡

蔣景祁

琉璃屏展瀟湘水金籠小風起雪衣愁曳一道軟銀絲  
似五絲長繫學戴黃冠時世昇拜月裏頻呼嬌字無睡  
莫明妝太淡偷眠花藥會記家在扶南奈故鄉別久  
歲年彈指道客幾時來盼暮雲千里香稻清泉親滌好  
漫爲爾加餐滋味良會問新聲填否爲卿細倚時南海  
果藥亭  
座在

水龍吟

寫懷

葉紹袁

寂寥蘋渚蘅皋道書讀罷香銷篆松聲入坐藥欄紅亞  
美人蕉釧極目平蕪天高水遠蓮歌遊遍且藤壺汲煮  
青衣小袖點取鳳團香片自把秋棠手洗粉牆西翠  
梳新鈿開簾風動画屏琴石輕陰滿扇挹酒盈尊摘花  
侵曉夜涼迎面更堪娛又有椒篇絮句麗詞常見

送孫浣心之真定

吳偉業

無諸臺上春風燕南魏北聲名起金戈鐵馬神州沉陸  
角巾歸里種柳門前藝瓜陂下北窗煙雨遇天涯故舊  
貽書到一鞭行李滹沱水挾瑟高堂趙女問叢臺幾

人珠履青史紛爭干戈談笑陳餘張耳漢壘秦軍李龍  
宮苑消沉何處向孤城但有寒鴉落木暮天羈旅

爲內弟壽

龔鼎孳

繡弧懸在當門右麟錦燦徐郎手丹山躍彩天閑馳駿  
駟閭增舊叔寶神清終軍年妙名場推首羨朱纓五珥  
龍文虎脊青雲器人能否滿目烽橫刁斗眺中原難  
眠清晝男兒事業紅旗黃紙絕塵而走簡點秋螢讀書  
彈劍且停花酒願時平一老婆娑澗石更爲君壽

紀游

曹溶

官家乞與閒身此行只費登高賦泥輕金管粧寒玉鏡



茫茫客路鵲信潮平蘭心月悄佳期未遇爲知音江左  
周郎入座爭擊節斷腸句俠少場中盡識恣歌呼不  
隨塵上珠鞭墮馬錦簾窺燕好春如故烏帽猜斜紫袍  
嫌冷喚名猶誤怕重逢又是雨散雲零鴉啼古渡

元宵

宋微璧

人間天上風光人生難遇元宵齊春生月殿煙浮銀蠟  
香飄蘭穗匝岸星橋雙株火樹同莖共蒂喜增城不夜  
喧闐競賞都付與猜燈謎幾處華堂闌麗奮長鯨魚  
龍驚戲九微百子芙蓉茵茵畫樓遙繫翠幄窺青香塵  
承步芳郊連臂但徘徊只問姮娥幽獨有何歡意

清明用東坡韻

史可程

水村山郭尋春濛濛滿眼楊花墜燕泥紅啄鶯梭翠擲  
掠人愁思舞困榆錢紫殘梨雨泉臺深閉想名題雁塔  
勳高麟閣杯酒醉君難起寶馬香輪歸去更青苔繡  
茵鋪綴墨山過雨桃蹊吹浪一湖雲碎妍景迢遙煙光  
杳靄冶游心醉笑浣花詩叟爲春煩惱濺高樓淚

楊花用東坡韻

王士禛

玉堦晝暑全慵任教細逐桃花墜掠他燕眴昵他鶯囀  
曉情暮思天與顛狂去來那管重門深閉看將低仍颺  
依稀思婦眠初妥還驚起纔到暉邊欄畔又輕拈翠

屏朱綴似捎似趁無拘無管撚將春碎解伴年年多情  
春草無情春水更紅簾揭處幾番偷入伴人嬌淚

揚子江上作

王士禛

岷峨萬里滔滔荆吳九派來南紀潯陽東下秣陵西望  
吳頭楚尾鐵甕風高海門雁斷角聲初起歎從來多少  
英雄割據都付與東流矣盡道長江天塹暗消磨幾  
番戰壘獅兒年少寄奴老手正堪相匹北府風流子有  
孫權甥如無忌到而今洗馬臨江愁絕一天煙水

燕子磯

陸求可

澄江點點殘霞遙看昔日真人氣偶來登眺海天空闊

下歸無地江北江南青山對面晚雲如髻向天公搔首  
驚人好句索此處高吟耳多少梁陳舊蹟都付與斜  
陽影裏茫茫今古有誰認得臨春結綺乘興而來不須  
畱戀早歸休矣怕今朝石燕興亡感歎凌風飛起

送張菊人

吳綺

繞城多少樓臺一春悶鎖桃花雨靈和新柳風流重見  
故人張緒剪燭窗深抱琴臺敞同傾芳醕笑華陽白鶴  
陡催離恨又分手蒲帆渚回憶青溪舊處兩狂生詩  
歌酒舞無端小草心旌馬上髣髴吳楚梁苑聞雞王家  
賦燕儘成飛絮把相思付與歐餘山色送君歸去

咏楊花和坡公韻

尤侗

捲簾但見飛花何時開起何時墜  
玉人如夢隨風游戲  
幾多愁思爲問章臺青青在否  
官斜應閉剩蠻腰解舞  
飄飄上下還學三眠三起  
分付雕梁燕子好銜將小  
巢縈綴謝娘纖手搓來捏去團成  
復碎忽地傷心人間  
天上落花流水倩軟綿堪拭此中  
洗面只餘清淚

前題

徐士俊

鶯兒啼老枝頭捲簾無數春光墜  
池邊風色檻邊雲影  
長懷短思好似郎蹤猶疑妾夢  
重門深閉惜芳菲拋擲  
韶華撒漫奈幽病扶難起  
不足霜花亂舞倩誰將軟

綿縫綴馬嵬坡下佛堂西畔輕將魂碎那比樓東一枝  
梅萼瘦臨寒水便有人唱道江南落盡暗彈清淚

清涼寺卽日用東坡韻

杜 濬

夜來雨雪廉纖誰人灑向空中墜登峰一望些些點點  
徒縈旅思寂寞僧居茶煙出戶畏寒堅閉笑書生苦問  
當年戰蹟那說向從頭起不是烏林赤壁是兒童分  
曹牽綴兩家奕局一般拙手忽然摧碎南亘方山北蟠  
鍾阜西流江水到面前只有東風吹落杜陵雙淚

又用少游韻

少游體與  
諸作微異

小春過去匆匆同雲飛霰何其驟清涼寺古莫愁湖澹

晴寒氣候相率凭高臨風縱目白邊青有看城烏宿處  
檣烏近鴛汀對面排鴛甃却顧長江遶後湧鯨波層  
層還又龍樓閱武英雄去後健兒都瘦西楚迷方南冠  
何在魁然囚首獨長陵北望茸茸紫翠雪消如舊

和放翁韻

余懷

白雲黃石人家山中宰相推前輩布衾似鐵湘簾似水  
有人酣睡劍削芙蓉書裝玳瑁都無塵累聽鷓鴣啼罷  
霓裳舞破十日酒真堪醉說起英雄兒女哭東風幾  
番揮淚明年五十江南游子九分憔悴白髮臨頭黃金  
去手負凌雲氣待何時倩取麻姑舁爪爲余抓背

一夜

毛先舒

恍然夢影樓臺花枝亂學宮腰舞雲肩  
擗着微紅淡綠  
慙慙曾嫵明月離闌好風羅袖半飄香  
雨自空梁燕別  
春深不見絮簾外雙雙語  
想得非關此世飲瓊漿  
夙會邀取如何一夜樹頭樹底殘英無  
主光景流波此身  
也是西陵坏土只鍾情無奈年華垂老  
越添淒楚

酬雪晴寄画

潘 高

惟來日晚曉曉雲山縹緲當窗起分明  
却是雨生春嶂  
柳橫秋水夢斷西陵酒醒南國一時情  
思念短籬斜插  
雙扉空掩却珍重遙相寄  
爲画南村野老手扶犁華



陽山底故人知我平生清興由來如此孤艇潮平大兒  
收網小兒垂餌看登盤縷鱸盈樽濁酒向江天醉

寄東會

樽前思滿南雲故人消息何由至依然夢着銅官春雪  
玉潭秋水白髮青燈一時懷舊月明東起聽煙鐘初歇  
霜鴻西下有盈把雙行淚欲說平生落拓漬春衣酒  
痕誰記可憐回首故山深處廿年知己一笑雲空離情  
天遠如何相綴問扁舟何日重尋舊約在煙波裏

題友人舟中小像

周而衍

人間塵海茫茫驚濤濁浪連天表道人見慣高樓大艦

知他多少送盡牢騷牽成別恨載將煩惱只清晨鼓角  
黃昏更點把地老天荒了檢得滄浪清處也何須十  
洲三島眼前長是丹崖碧嶂白蘋紅蓼一葉雲深一帆  
風細一絲煙裊向空明擊汰科頭箕踞對江天笑。

春思

黃錫朋

一竿紅日催人起來百舌枝頭鬧韶光初媚花期將屆  
條風先報垂柳含金平莎帶嫩正堪游眺歎黃塵紫陌  
名疆利鎖知辜負春多少猶是輕寒料峭問良辰芳  
菲漸到江汀煙靄紅橋画舫幾人歡笑靚女明粧踏青  
歸晚不勝窈窕未多時又是雙雙紫燕穿簾闌巧

書懷

張迎禕

臞翁不掩茅齋料無車馬輕相過  
匆匆朝市奔馳猶怕  
光陰易蹉笑指迂顛嗒焉若喪隱几而臥問牀頭金盡  
功名又落吾曹後悲無那  
澹泊襟期較可諒蝸廬難  
容措太萬鍾五鼎殘杯冷炙一般堪唾  
世事雲翻人情  
雨散等閒窺破把南華一卷  
輞川半幅抵英雄座

秋日邸中感懷

周漁

幾年人客長安殘春未久秋來矣  
朝朝暮暮馬塵封面  
車聲貫耳易水風寒景山雲障  
倩誰知己向鷁群鷺隊  
隨波逐浪更無個人堪語  
待趁征鴻南去又無緣出

樊生羽盈眸遠矚楚天何處尊鱸空美故國神遊異鄉  
魂斷幾重煙水算將來海角天涯隔絕有三千里

聞雁

錢芳標

晴紋簾涼多碎砧敲歇初更靜難成旅夢一尊閒對  
風簾燈影隱隱高空數聲何處川微煙暝爲稻梁催去  
瀟湘千里早排箇銜蘆陣擬把江鄉書倩水湛湛遠  
灘楓冷倦翮連翩夜寒應傍鴨闌漁艇塵滿鈿箏十三  
絃柱不堪重整記廿年前向秦郵野泊有人同聽

粵秀山東友

顧貞觀

海天落日憑高樓船南下標銅柱榕陰不斷鷓鴣飛上

越王臺樹香蒲魚沉珠江雁杏花田無子算由來間氣  
英雄粉黛一般到消魂處喚起柔情俠骨定相憐客  
愁孤注韶光正好爲誰擲向蠻煙瘴雨豈蔻仍含檳榔  
暗吐欲畱難任判千金散盡自攜寶劍陸生歸去

送丁飛濤返武林

許承家

故人萬里歸來東山寺裏寒燈語紛紛塞馬泱泱槐蠟  
飄風飛絮不飲如何會須作達舊繁華處奈白公亭子  
三生石下又早促蒲帆去回憶燕支戰壘魂消盡撫  
今弔古此行重問偏舟明月大江春樹京口神鴉吳門  
匹練送君還路更相期握手錢塘秋夜看胥潮怒

謁張子房祠

朱彝尊

當年博浪金椎惜乎不中秦皇帝咸陽大索下邳亡命  
全身非易縱漢當興使韓仍在肯臣劉季算論功三傑  
封畱萬戶都未是平生意遺廟彭城舊里有蒼苔斷  
碑橫地千盤驛路滿山風葉灣河水滄海人歸圯橋  
石杳古牆空閉悵蕭蕭白髮經過寧涕向斜陽裏

白蓮

綠雲十里吹香輕紈剪出機中素銀塘一曲亭亭何限  
露盤冰柱玉腕徐來青泥不動乍鳴柔櫓惹沙鷗撲鹿  
雙飛不見又何況雙棲鸞好手画師難遇倩崔吳鼠

鬚描取翠衿小。身黃衣稚。蝶添成花譜。雲母屏風水晶簾。額冷光交處。爲秋容太淡。嫣然開到小紅橋路。

前題

李良年

陂塘五月風來水。荷花外娟娟別。一灣銷夏滿池香影。數莖冰雪。蓋掩鷗輕鬚。黏蝶小也。憐清絕。料新粧慵鬪。盈盈墜粉。早洗盡臙脂靨。猶記東林千葉笑。芬陀楚人曾說。冶游更憶江鄉秋早。玉纖思折。白舫斜穿冷蟾移。映水雲明滅。只此時難認。等閒溼了。画羅裙褶。

前題

毛奇齡

前湖十里芙蓉到。門敞嫩明如練。波光雲映蘆碕鷺下。

宛然一片細葯含鉛青。房濾粉素珠成串。便採蓮紅女。  
絳裙千褶。遮葉住有誰見。只爲社中人散。倚遙空削  
成難辨。赤欄橋子無端愁把碧天遮。斷月下飛香霜前  
落蒂。容華將變。但秋衣未製。剪來朶朶不須染茜。

前題

李符

天孫織就輕綃。問誰剪綴銀塘冷。玉容倚翠。芳心抱苦。  
半池開竝。水染成香。月溶無色。夜來難認。便湔裙人到。  
雙垂皓腕。也應妬水姿瑩。忽見萍分波淨。滿秋奩倒  
窺粧鏡。祇須分付粉兒。捧酒雪兒。搯艇采貯。玻璃倩描  
雲母。北窗消領。怨涼颼。乍卷碎瓊。收拾剩田田影。



前題

沈爾燦

三生浣盡鉛華紫泥不向水肌汚纖衣試縞峩冠切玉  
蕭閒丰度楚江欲采盈盈遙隔暗輸心素爲掃眉淡了  
蹇脩難託夢不到南薰路零落真珠過雨又淒涼月  
中承露秋河未墜無情有恨知伊誰訴飛去鴛鴦祇應  
畱蓋春鋤卓午想紅閨晚晚可曾輕喚捉杯來否

春日送客過慈仁寺感舊

曹貞吉

尋常彈指聲中優曇偶現空王地海棠碎錦丁香衣紫  
霞烘煙細憑管哀絲青衫白恰嬉春情味歎穠華電擲  
風流雲散容易下中年淚身是金閨倦客賦渭城重

過蕭寺倡條冶葉笑人岑寂樹猶如此只有孤松似曾  
扶我當時沉醉倩禪燈老衲往來指點說他榮悴

登瓜步江樓

徐之瑞

怒濤千疊橫江是誰截斷神驚足當年雄畧風雲叱咤  
氣吞巴蜀江左夷吾風流頓盡神州誰復但茫茫覩此  
河山非故悲何限吞聲哭舊約不堪重續剩荒臺晚  
鴉殘木依然別恨傷心千古春江猶綠去日以疎憂愁  
離亂浮生何促指三山縹緲凌雲東去醉吹霜竹

客中咏落梅

許旭

悶人輕雨輕寒夜來窗外誰相欸閒猜浪憶竹梢無響

柳條猶短曉看庭前玉鱗瓊瓣平平堆滿把何郎閣畔  
粧成粉砌香盈處徐吹散休恨東風狼籍剩相思好  
枝一半心情似夢怎由他去都無拘管驚惜年華隴頭  
人阻寄來應斷儘平生薄倖憐渠可奈任伊零亂

梅雨

吳本嵩

綠楊溪水平橋雨聲一夜新荷碎沉沉庭院濛濛屏障  
厭厭殘醉細浥牙籠頓寬箏柱又寒鴛被聽鶉鴉相喚  
磯頭池角報簾外東風膩煙靄欲明還未但悶壓曉  
來天氣汗粉生潮酒香成暈不關珠淚極浦蒼茫野田  
瀰漫阻人歸騎正梅黃迤逗閨中心性似伊滋味

禹廟

姜 垚

會稽山色飛來四千年外斜陽暮。金書玉簡日移星換  
依然王土萬國衣冠九州筐篚共尊神禹到如今賸有  
空山古廟賽里社喧巫鼓。勝事何堪說與任苔痕橫  
纏煙雨荒堦草掩秦碑翠鬢梅梁粉蠹鐵騎猶嘶金戈  
乍吼夢迷前浦看殿庭斫盡松杉杜宇欲啼何處。

秋日飲蝶庵紀坐上人語

陳維崧

萬家砧杵秋城重來何處尋門巷。三年一別孤身作客  
蠻江煙浪綠幘榕城金樽荔浦慣陪牙將自連天烽火  
舞衫換了亟爲買歸吳榜。屈指當年儔侶舊梨園蜂

惆悵或伴侯王或成駟僮或淪厮養縱剩柔條也應  
不似灞橋模樣趁啼鳥乍歇霜天漸曉撥箏琶唱

江行望秣陵作

輕舟夜剪秋江西風鱗甲生江面瓦官閣下方山亭外  
驚濤雪片一帶蔣州千尋鐵鎖等閒燒斷只波間皓月  
流光欲下舊曾照金陵縣何處迴颿過鼓更玉笛數  
聲哀怨回思舊事永嘉南渡流人何限如此江山幾人  
憐惜斜陽斷岸正江南煙水濛濛落盡楚天新雁

揚子江上作

俞兆曾

排空萬派奔騰長流滾滾憑驅掣襟淮帶海怒濤日夜

感舊

葉純統

蕭蕭風雨江天淒涼一片秋聲逗香消菡萏綠催蘭芷  
煙迷遠岫浪隔星橋雲遮碧漢薄羅涼透早無端拈起  
一簾愁緒都作鏡中消瘦寂寞文園秋色道情懷問  
天知否簷鈴敲鐵琅玕折玉聽殘更漏淡月疎櫺小庭  
曲檻暫消杯酒便小槽引盡真珠只怕淚紅沾袖

前題和韻

葉小鸞

芭蕉細雨蕭蕭雨聲斷續砧聲逗凭闌極目平林如画  
雲低晚岫漸老金風乍零玉露薄寒輕透想江頭木葉  
紛紛落盡只餘得青山瘦且問沈寥秋氣當年宋玉

應知否。半簾香霧。一庭煙月。幾聲殘漏。四壁吟蛩數行。  
征雁漫消杯酒。待東籬綻滿黃花。摘取暗香盈袖。

避兵有感追和外祖母韻

沈樹榮

誰知到處徘徊。謝庭風景都非舊。畫堂塵掩。蓬生三徑。  
門垂疎柳。白晝初長。清風自至。流年空又看。多情燕子  
飛來還去。真個不堪回首。昔日嬌隨阿母學。拈鍼臨  
窗挑繡。斜陽樓外。熨殘銅斗。線紋渾皺。蠶欲三眠。鶯猶  
百轉。落花時候。問重來應否。消魂試聽江城笳奏。

拜星月慢

本意

彭孫適

蓉炷初煎花冠重整小院四垂空碧。徙倚風前聽銅螽  
清滴凝眸處試問渡河人去竊藥人歸何日霄路迢遙  
抱幽輝終夕。正中庭夜未無行跡更難禁私禱偏羞  
澀。早是聲喘頻吁。吹麝蘭氣息墜金蟲手自梳蟬翼恁  
時光莫道窺顏色。只影兒裊裊亭亭儘消魂也得。

三茅觀

李式玉

拍岸銀濤參天翠鬣眼底江山如此一帶丹城望仙宮  
迢遞石闌上刻着吳山第一知是何年題字背擁金湖  
隱隱笙歌起。法幢高小院松陰閉朝元罷月上銀鸞  
背我欲閒煮丹砂好爲朱顏計怕生來不帶煙霞氣醺



壇外裊裊爐煙細。待乘興探紫陽峰。問希夷醒未。

慶春宮

味三絃

錢芳標

瘦似燒槽。輕於焦尾。誰離四尺香槽。分軫難均。排絲有序。數來偶外餘單。文蛇蛻薄。試春筍。低挑漫彈。天生配合。紫竹紅牙。共話悲歡。教師翎雀。新翻腕底。分明滾出珠盤。兩舸攜將。石塲賽去。平章錦隊。花壇十條。刪却厭箏柱。秦聲太繁。羨他僥倖。貼近裙腰。小鼓團圓。

濺銀堆雪衰草沿堤荒蘆夾岸幾番殘  
齒問誰爲喚取  
鴻夷起舞銷沈盡英雄血  
漫說龍驤鳳舉也紛紛灰  
飛煙滅至今堪憶隋宮吳苑斷潮嗚咽  
鐵甕雲寶金山  
月小沙沉戟折對斜陽不禁神悽洗馬  
一般愁絕

秋夜同二兄作

陳維岳

幽牕明滅書燈含毫餐盡隴麋汁  
蕭蕭琴劍誰憐寂寞  
淒魂黯色早聽涼颼俄看竹影還聞蟋蟀  
總支離無賴  
愁容瘦骨搜佳句渾難得  
同病相憐吾汝但擁被連  
牀相泣好似當年趙家姊妹貧窮時  
日古昔佳人今朝  
才子雅堪相敵且莫嗟喪敝  
自寬自慰閒吟閒說

憶故園

曹亮武

吾家水木殊佳當年宛爾如圖画月明春曉風清秋晚  
紗窗無罅桂樹香濃芙蓉豔冷醉眠深夜况歌喉婉轉  
雙鬟纖手又相送鞦韆架邈矣簷鈴巷柝更寂寞地  
衣裙秋舊時賓客不聞珠履烏啼花謝世事皆然幾能  
長好舞臺歌榭只夢中還認西園梅樹在松陰下

同友步烏龍潭放歌

周清原

雪消風定寒輕軟塵不動前山露昭陽日影喜先飛着  
那人看嬾画出青蛾添些紅暈不教雲霧快良朋過我  
相携蠟屐同踏到龍吟處舊日傳書之浦事荒唐話

言休絮。井欄空碧依稀。彷彿洞庭間路。老樹千頭寒澗。  
一片滄桑今古。放浩歌歸也。支離叟在。且爲吾舞。

垂絲海棠用方秋厓韻

汪森

曉來鳥哢新晴綠。窗喚起人微醉。鉛華乍洗。胭脂淡試。  
露條裊翠。嬌態誰扶。靚妝自整。玉屏纔倚。看蜂黃、蜨粉。  
紅絲輕惹。穿枝去如流水。早是困人天氣。對芳姿寄。  
愁無地。羞他凡豔。李穠桃冶。怎同幽意。句好坡仙吟慵。  
杜老總傳清致。恍風簾掩暝。真妃斜暉。鬢釵春睡。

春夜聽鄰娃擊鼓

史惟圓

誰家画鼓頻。撾晚風。送出深深院。梅英未吐。蘭芽猶小。

嬌同人面綵勝新裁紫姑休卜春衫紅茜舞山香一曲  
手如愚雨釵梁鳳雙雙顫良夜沉沉將半憶年時南  
樓歡宴易絲寫句賜絃度曲月斜人散此夜何人數聲  
羯鼓盡傳幽怨隔牆東不管愁人和悶倚闌干徧

次素庵感舊

閨秀  
徐燦

合歡花下流連當時曾向君家道悲懽轉眼花還如夢  
那能長好真個而今臺空花盡亂煙荒草歎一番風月  
一番花柳各自鬪春風巧休歎花神去杳有題花錦  
箋香稿紅英舒卷綠陰濃淡對人猶笑把酒微吟臂如  
舊侶夢中重到請從今秉燭看花切莫待花枝老

瑤華集卷十四

齊天樂

二十首

宴清都

三首

畫錦堂

三首

瑤花

三首

石州慢

五首

柳色黃

二首

憶舊游

一首

安公子

一首

瑞鶴仙

二首

花犯

二首

瑤花慢

一首

喜遷鶯

六首

春雲怨

二首

春從天上來

一首

霓裳序中第一

二首

湘江靜

一首

探春慢

三首

澡蘭香

三首

看嬾 二首

雨淋鈴 三首

安平樂慢 一首

二郎神 第一體  
四首

綺羅香 十一首

齊天樂

蟬

李良年

滿堦榆莢過牆竹日長初掃三徑鳩婦呼殘燕雛飛後  
不許草堂人靜隔林遙聽恰吟侶參差綠陰遮定長記  
拋書聲聲如在最高嶺柴關應誤來客亂喧晴葉底  
剝啄難省葵扇慵揮桃笙乍展午夢幾番催醒井梧秋  
冷漸移近朱欄有人閑凭一笑迴身鏡中看鬢影

前題

高升雲

枕屏曉帶行雲夢。却還被伊催斷。苦調才終。悽吟還續。  
通寫幾番幽怨。柳塘聽倦。忽竹院涼傳。數聲差緩。曲奏  
迴風蕭蕭落葉。玉階滿。愁聞最是旅客對前村。幾樹  
頽照。欹岸響咽。尤悲音長漸澁。引起離情無。當年蜀  
棧和嶺畔。啼鵲鄉心曾亂。一片秋容淡。雲凝望遠。

送葉慕廬歸武昌

軟紅塵鎖長安夢。還尋楚樓橫笛。鄂渚霜催。樊山月冷。  
漫叟杯尊猶溼。黃衫烏幘。颺一幅蒲帆。影翻疎荻。試譜  
茶經洗甌。先點葉家白。幽探曾記。雙屐吟情。迷露草。



風髣蕭瑟玉葉牋長檀香格小勝事空成陳跡蒼涼紫  
陌又一度重經短亭荒驛數盡棲鴉暝煙村樹隔

蟋蟀

徐允貞

淒淒只是驚秋暮何堪晚來疎雨曲徑煙迷橫塘草冷  
還訴別離情緒金籠暗鎖正長信堦前苔封輦路吟偏  
黃昏銷魂最是五更霧征衣欲寄何處聽聲聲斷續  
急赴機杼幾度銀釭低徊玉枕閒罷不禁淒楚閒尋舊  
譜看画閣平章漫爭勝負莫待西風近蘭牀絮語

味秋海棠

陳維嶠

宋郎未做悲秋賦亭亭幾枝堪語雨溼荒苔雲封石徑

都是繽紛開處嬌姿如訴正獨坐無聊香添一縷書館  
蕭蕭青時有甚好情緒當時繡窗綺戶記誰同玩賞  
翠朝珠暮紫竹廊邊雙文內裏泥露連堦無數年來羈  
旅只秋到人間此花還吐譜入新詞悵韶光不住

鷺鷥

朱彝尊

謝池最愛鮮禽好記得惠連曾賦紫葍絲邊水藻花外  
長見伊窺魚住乍翻洲渚訝拍拍隨波欲低還舉占得  
圓沙又拳一足久延佇采蓮舟漸近也笑紅裙按櫂  
不教驚去荻岸偏明蘋風慣浴涼月粼粼南浦曲江人  
渡指隱約秋潮望中生處纔挂漁簑又飛來無數

蟬

苓根化就初無力。溫風便聞淒調。藕葉侵塘。槐花糝徑。  
吟得井梧秋到。一枝潛抱。任吹過鄰牆。餘音猶嫋。驀地  
驚飛金梭。爲避栗留小。長堤翠陰十里。冠綬都不見。  
只喚遮了。斷柳亭邊。空山雨後。愁裏幾番斜照。昏黃暫  
悄。讓弔月啼蛩。號寒迷鳥。飲露方殘。曉涼嘶恁早。

題寫生芋

湖田幾稜。分薑蔗青青。近依禾黍。促織聲邊。牽牛花外。  
慣滴籬根清露。梢溝倚渚。記錦里先生。小園秋暮。野色  
柴門夕陽。攜客斷畦語。圓荷滿陂。勻翠晚來風葉響。

一樣疎雨白踏泥中紫收霜後便好開筵  
處聽昵昵空村夜闌兒女多少封君移家思  
傷汝

中秋汎舟

陸求可

闌橈六幅秋帆錦江上商飈清冷茶竈煙輕  
筆牀墨淡汎宅浮家風景鱸魚切粉兼葍菜  
縈絲推篷小飲桂魄團闌天香飄處廣寒近  
武夷君在何處想霞幢翠蓋幔亭峰頂按  
節觀濤乘流弄月銀漢無聲高迥風和浪靜  
任珠露橫空金波千頃此夕清光水仙能管  
領

楓溪夜泊

錢芳標

斜陽水廟停橈處依稀浪萍前度酒幔垂  
煙魚脊暝晚

無恙浴禽眠樹。奚童偶語。陡觸撥傷心。亂絲如許。越榜  
吳檣等閒斷。送歲華去。新蟾半鉤乍吐。黯情懷。不記  
綺窗睂嫵。衝鼓催行。和衣殢酒。總把鳳衾。耽誤章臺舊  
路。恐玉合荒唐。翠條非故。羞照澄波。驗秋霜幾縷。

二月二十日風雨感懷

沈謙

碧桃花雨何時歇。春陰半樓低結。嬾脫羅襦。聊偎角枕  
寶鴨頻燒不熱。柔情欲絕。但夢後關心。影邊饒舌。驀地  
風來。帳兒却似有人揭。西窗猶自未晚。只蘭燈一燄  
纔上。還滅柳壓濃煙。鶯飛淺浪。空負豔陽時節。欲言又  
咽。甚芳澤沾衣。殘書留篋。盼得來時。玉肌須痛嚼。

蟬

李符

薰風池館啼鵲歇綠窗夢驚嘶早飲露高懷迎秋斷響  
相和中郎淒調銀牀徑悄漸飛過桐陰又鳴殘照聽一  
聲聲齊宮舊恨幾時了剪開緬蟲翠羽向美人雲鬢  
持比羞小纖翅無多哀音最苦消得幾回昏曉酸風乍  
到卷萬片霜紅蛻痕俱掃畱面粧樓雀邊看去好

茗南道中

野塘水漫菰城路曉來載詩移檻柳憚汀荒丘遲宅壞  
急雨鳴簷千點綠蕪如染映翠藻參差鵲鵲能占沽酒  
何村花明獨樹小橋店昔游如昨日耳記深深院宇

綺羅春豔粧閣懸蛛舞衫化蝶滿目繁華都減。溼雲乍  
斂露浮玉遙峰相看無厭。漁唱滄浪荻根燈又閃。

輯采風偶錄成題其後

孫致彌

疎窗展卷涼蛩靜依稀舊游重省。鵲塞沙黃龍堆草白  
青鎖摩天高嶺。驅江淥淨趁野渡楊花片帆風正果下  
驕嘶亂松翠拂帽簷影。閒尋太師故井悵金鱗一去  
酒巖苔冷碧落孤雲香奩蘭雪幾許好辭投贈。霜華玉  
瑩刺淡墨旁行欲斜還整。却對秋燈似華胥夢醒。

味隗囂官菟杯

曹貞吉

九泥不閉雨關路神功煨來杯竿色映琉璃聲隨哀玉

淺碧嫩黃相射流霞欲化想西伯雍容葡萄傾瀉紫殿  
基平何人收拾夜泉下千年又成廢寺早霜鐘粥鼓  
相伴清暇土嚙花斑魚吹浪白過眼興亡難話誰堪並  
價有銅雀荒臺尙畱殘瓦且盡深卮任更闌燭地

蟬

龔翔麟

綠陰幾口濃如幄新聲又喧嘉樹避雀驚嘶鳴條倦咽  
響逐迴風難住斜陽幾度說不盡齊宮舊時淒楚喚起  
殘粧爲他描上鬢邊去吳園猶記往事向嫩涼院落  
曾聽伊處暑雨燈昏冰牋粉砑譜入絲桐更苦驚心時  
序怕轉眼西風一天寒露石井銅鋪砌蛩相伴語



送仲兄之秣陵

林子威

昨宵夢約江流住。今朝又還南浦。明夜孤舟白蘋煙棹。  
醉月吟風何處。停杯不語。有訴盡愁懷。幾聲杜宇。回首  
斜陽。青山流水帶人去。登高想君情緒。荒臺猶在否。  
烽塵難數。燕入烏衣。祇應笑問當日夷吾。如許故宮禾  
黍。況衰草寒煙。天涯羈旅。何似歸來。小樓尋伴侶。

梅廬花月下送原白之燕

曹亮武

人生只合花前醉。此外更須何事。皓月當頭。輕風拂面。  
況是賞花天氣。君真豪士。飲直似長鯨酒酣而起。爲我  
狂呼。安能鬱鬱久居此。明朝便將作別。贈君無一物。

盡教重洗竟上燕臺巷無飲酒此後相思千里如君才  
技取富貴何難猶探囊耳遙指春江奈離情似水

題京少菴画溪詞

黃庭

草堂斜倚春星下清宵細哦佳句院落人稀天邊雁過  
依約和歌儔侶鉛黃滴露把綳帙披來燭花飄處小捲  
風簾海棠煙影月剛午江南多少作者賀方回去後  
誰擅千古一水橫塘雙溪帶画腸斷重翻舊譜移宮換  
羽好按入鵲絃玉箏調柱且聽旗亭女郎檀板度

雨夜夢人授銅雀瓦詞以紀之何淇

瀟瀟靈雨催殘夜依稀記來偏好百遍摩挲琉璃匣內

一片澄泥色。皎建安年號。知若箇銀鈎。行行篆鼻。算只  
江郎生花。斑管共風調。沉思雀臺往事。有分香弱女。  
賣履娟妙。空憶而今。亂鴉啼後。剩得幾番斜照。暗傷懷。  
抱歎佳麗如斯。都隨夢杳。睡起迷離。小廊煙正繞。

宴清都

螢火

彭孫適

四壁秋聲靜。疎簾外數點飛來。破暝輕沾葉露。暗棲花  
蓋。亂翻銀井。有時團扇驚迴。又巧坐人衣。相映空自抱。  
熠燿微光。願增焰金樞景。幾番去。傍深林來穿小幔。  
高低不定。隨風欲墮。帶雨猶明。流輝耿耿。隋家宮苑何

在腐草於今無片影。向山堂且伴幽人。琴書清冷。

味大食薺茶杯

曹貞吉

猶帶鯨波冷。遙天色。斷雲微露清影。玻璃質脆。盈盈不  
類汝哥官定。曾隨貝葉金書。煩赤闕拳鬚。管領而今作  
承露。銅盤仙人淚滴還靚。思量紫袖。昭客白頭阿監。  
深夜調茗。松濤罷響。流泉淡注。碧梧銀井。那堪回首。天  
上空暗憶龍團。鳳餅。伴高齋瀟灑。琴樽小窗月永。

牧翁寶大食薺杯一具。曹實庵舍人以味茶牧

翁曰子爲我酌酒遂應命

蔣景祁

雨後空青色。花薺好殊方。望此奇質。冰綃薄似。浪紋疊

就淺深寬窄。樓船舊日東出。幾釀盡風腥。波黑記有人  
數遍。山驛水驛。薦上瑤席。誰識紅杏前身。悲秋後。裔  
風骨清立。叵羅拋擲。琉璃謝却。愛爾長吸。憐伊遠來津  
涉。衣典罷。玉缸春碧。最好。是花底朝回。鬣作客。

畫錦堂

金閨夜游

曹 溶

醉影紗籠。謠聲象拍。風景還似秦淮。郊外探梅。初返鳳  
縷弓鞋。背人佯踏昏黃月。依然春恨鎖重堦。儂家近。鶯  
鶯雙扉。湘簾半蹙。花牌。情懷。知名早。攜手晚。都如海  
渚。山涯。譜入館娃遺曲。香老珠埋。浮杯那怯。司空慣提。

筐已識使君諧塵中事判與驕游狎賞才盡金釵

述懷

黃錫朋

野鶴形骸山麋標格可免路鬼揶揄。只有龍泉知我任  
意歌呼。往聽黃鸝攜斗酒小園茵軟落花鋪。賓朋集討  
古論今。客歸我便踟躕。如愚甘澹泊耽豪素往來多  
屬吾徒。常領溪山勝趣清映斜鬚恥同屈曲。王光祿閉  
門矻矻著潛夫。時瀟灑長是批風抹月不待筇扶。

題王阮亭抱琴堂執書圖

鄒祇謨

九曲池邊無雙亭畔使君吟眺初回。正見抱琴長嘯卷  
帙重開。非仙非佛揚州吏亦詩亦史。濟南才堪相對恰

稱何郎標格。惟有官梅。遲徊更何處。題斑管。定應校籍蘭臺。此日隱囊小几。遙映水苔。驛提閣裏容高坐。漁洋山外。許誰陪。前身是好認玉清仙子。金粟如來。

瑤花

渡揚子江

吳棠禎

雲飛鐵甕。日盪金山。送一江柔櫓。蒼茫煙水。擊楫時不。禁悲歌懷古。彭城高譙牙旗動。屯兵開府。更寄奴玉甲。西征梁帝翠華北顧。潯陽九派分來。任浪捲風蛟。潮鳴雪虎。英雄盡孫策。周瑜值得神鴉社鼓。白門宮殿只。桺外鶯聲無數。歎多愁洗馬臨江。花點征帆春暮。

題其年填詞圖

李良年

吹簫待鳳畫壁留人憶舊來佳話。元和才子愛倚聲長。  
只傍珊瑚架。珍珠量滿。賈就了。還教入画。展花間小帙。  
沉吟不願人間聽者。平添一瓣都梁。看鴉紙斜鋪鼠  
鬚欲下。纔回首。說與春蔥誤了。官商再寫。拚作湘筠親  
領取。絳唇吹麝。恁今年。榜七匆匆。奉旨填詞去也。

玉繡毬

李符

蕊珠翠結密簇柔梢。細看來。疑葉花師。昨夜都咒。變春  
煖。忽堆晴雪。弄簫人去。還留得。女銀香潔。料蕃釐舊觀。  
開時無此碎瓊璫。分明似玉玲瓏。但彩線同心。猶



未穿揭團團素影。渾不見粉樣幾雙棲蝶。良宵十五映  
天上纖阿宮闕。傍清池照水俱圓。難認一九真月。

石州慢

咏雪

曹溶

禁住梅花閒夜捲簾。銀霰輕灑。憑誰知我綠尊罷舉。彩  
毫勤把。茸裘破帽。傍他范蠡荒祠。十年不鞦關城馬。重  
聽打窗聲。恰邊愁偷寫。牽惹似曾年少。翠靨爐頭寶  
箏樓下。翻借調冰刻玉。添成妖冶。而今休矣。祇剩松火  
堆盆。此身辜負鴛鴦瓦。寒意滿人間。任先生臥也。

感春

龔鼎孳

香閣春添庭院晝長花雨飄灑清明時候輕寒小熱暗  
愁盈把呢喃燕子却憎圓棟彫零易衣閒恨猶牽惹拍  
碎玉闌干儘黃鸝描寫游冶禁煙吹散寶瑟風前金  
觥花下何似一燈寒食柴門初打樓頭柳色望裏青斷  
天涯絮飛還啼王孫馬解道莫愁誰只長干人也

夏閨

史可程

綠蔭蕉窗粉浥荷池趁涼簫幌薄蟬鬆髻輕螺膩指細  
商音樣鏘然竹葉隔花似有人行防他誤認金釵響炎  
暑逗蘭芬惜蜂忙蝶蕩郎往猶驕亂局雪豔傳菴陡  
生心上羞覩簾間燕影枕前冰浪瘦來腰小可奈帶眼

明倫彙編 家範典 卷一百一十四  
頻移翻憐妙舞曾旋掌還恐奏金飈吹冷芳春想

客況

顧貞觀

一月長河奈望崎嶇玉京難卽滿身風露蓬窗潛啓夜  
寒凝立不如歸去從教錦纜牙檣釣絲莫負秋江碧何  
事訪支機悔乘槎踪跡淒絕無端閱盡水驛荒葭離  
亭殘笛只得幾行官柳似曾相識琵琶孤咽那須月落  
回船曲終纔下香山泣青鏡待重看有霜華堪織

過訪敘彝上人

曹臣襄

瘦石欹青空林涇翠山如煙幌閒尋松徑橫披老幹若  
虬龍樣薜蘿幽處穿籬轉入齋厨斜廊活火煎茶響更

午磬微聞繡經繙低蕩  
神往巖花爭發好鳥頻啼  
最高峰上崖際飛濺雪瀑似翻銀浪  
支公貺我新來佳句  
連篇清如玉露流仙掌餉朱李銀桃到今朝還想

柳色黃

食冬筍

黃庭

遠服黃皮初貢厥包孤竹苗裔誰將玉版師參且共籜  
龍兒戲朱泥裏處恰似虹斷湘江月鉤斜映晴霞裏帶  
楚雨吳煙佐長安整噲 猶記采蘭時候挑菜年光嫩  
攢堦砌剖費柔荑一樣纖痕勻細朝來指動莫訝對食  
興嗟異鄉轉惜家山味想脩竹吾廬正天寒人倚

前題

陳枋

半籠拳然黃犢角邪春意先坼吳頭楚尾羹材也佐長  
安杯炙雲根遠餉費幾白鑊園丁紅泥猶帶江南色戲  
褪淡黃衫看冰肌寒勒遙憶小春交了山徑家園閒  
尋閒覓直到櫻花燕子飛時還摘別來玉版竟比禁臠  
侯鯖白龍作鮮華堂擘笑布襪青鞋鎮長年拋擲

憶舊游

悼陸君暘

錢芳標

釣篷歸去路又是年時梅雨廉纖按歌人何在只斜陽  
樾影尙映湘簾教坊子弟多少空度望江南記月下冰

到燒燈未謝蕙心純質是南國當年燒冶壓烏皮几上  
紅檠隨意欹斜滿架簾漪不捲湘波最眇眇愁予隔  
水如話花花葉葉似采得翠羽珠璫盈把蘅皋人杳須  
種傍玉鏤枕亞夢迴時氣若幽蘭髣髴襪塵來也

喜遷鶯

夏日遣興

梁清標

蕉林雨歇正寶篆香溫瓶荷芳澈渠兒攤書湘簾伏枕  
愁殺利名場客消受薰籠茶椀閒度草間飛蝶最愛是  
傷蕭蕭疎竹林梢新月淒切關情處遠樹蟬聲又值  
清秋節白墮三杯紅綃一曲說甚濟時豪傑小構數椽

茅屋圖画琴尊羅列且白眼任花開花落陰晴圓缺。

寄俞季璫

沈謙

水鳩鳴屋見春陰不散漸飛霖霖小燕初來聞花又落  
故把餘香頻蹴煙迷半林潑翠風剪一池輕縠憶舊歲  
正此時相見掌杯盈綠幽獨衰更甚雲擁亂山咫尺  
歡難續王粲情多江淹才盡晚節真成碌碌塗窮笑吾  
增慟雅奏須君終曲春難待怕城南握手櫻桃將熟

粵東石濂和尚爲予画像志謝 陳維崧

月明珠館有帝釋鬘陀身雲散滿鮫國旌幢鱗帆笙吹  
萬疊雪傾銀濺裴罷紅棉粵嶠看足蒼楓梁苑饒能事

儘微皺淡抹黃。潑絳淺。篋衍有一卷細膩凝脂三尺。  
松陵絹。少不如人。師須爲我。画出髣髴絲禪板。旁侍湘娥。  
窈窕下立。天魔蹇產。人間苦恨碧桃花。謝洞天歸晚。詞作

天女散花圖

### 滇茶

臙脂繡纈。正千里江南曉鶯時節。絳質酣春。紅香寵午。  
惟許茜裙親折。小印枕痕零亂。淺暈酒潮明滅。春闌裏。  
較琪花玉茗。嬌姿更別。情切想故國。萬里日南渺渺。  
音塵絕。灰冷昆明桑栽洱海。此恨擬和誰說。空對異鄉。  
煙景驀記舊家根節。春去也想蠻花。攸鳥淚都成血。



飲華漢章齋頭聽蘇崑生度曲

風簾霜院有一派晴秋暗縈窗練酒辣侵唇菊香撲鼻  
黃雀紫蠟初薦正值客心悽處那禁夜烏啼斷絳蠟底  
恰白頭賀老江潭重見離怨言不盡水市燈昏試取  
檀槽按宛維家鄉武昌樓櫓往事暮雲分散愁似長空  
颺絮淚比珍珠脫線君休唱惹青衫溼了再無人管

其年初赴恩命入都

史惟圓

匏樽螺盃試酌酒與君君休辭滿回首風塵傷心羈旅  
誰是受恩門館夢斷梧垣粉署吟盡金荃蘭畹還應訝  
是荷衣未脫鳳書來晚驚散鷗鷺隊芳草綠波一棹

東風暖執戟晨趨含香夜直那更容君疎懶還問金門  
賦客若箇與君爲伴君且去儘五湖煙月付儂收管

春雲怨

夏日咏冰

錢芳標

藥淵脩月倩吳柯敲響馮彝宮闕姑射仙姿綽約不數  
嶺山堆絳雪調出瓊筵攀來渠枕沈李浮瓜伴寒冽雲  
母屏邊水精簾底瑩影更難別酒闌最解相如渴甚  
盈車不散朱門炎熱短簷青松幾時蹋試嚙丹唇莫是  
真妃淚鉛凝結虫語偏知狐踪休聽畱取玉壺共徹

懷舊寄粵東數子

查容

紅棉小驛記五羊城外穿花雙履把手纔通名姓一味  
一觴如久識翠袖藏鈎半頭搖扇共指銀蟾蟻牆側殘  
拍逡巡歸鞍酩酊蠟淚滿離席三珠坐上真奇絕縱  
年深路遠珠江歷歷對酒猶疑照顏色橫浦樓船折盡  
南枝斷無消息倚雨淋浪曉星寥落不喚奈何不得

春從天上來

壬子元夕

陳維崧

梁宋飄零臥鄆邑殘橋下縣荒亭聞道今夜海碧天青  
人世幾度曾經想平生踪跡歡娛短愁緒星星擬離腸  
更翻堦惡雨只是淋鈴回思春橋夜市對盞盞星毬

扇扇銀屏喚馬前情。窺簾舊事。此際有影無形。算除非  
夢裏重相見。巫女湘靈。夢還醒。五更竹響。半榻燈熒。

霓裳序中第一

咏鏡

曹溶

綉囊冷。雲軟。古意何年。讀蔡篆餘的的。冰心清淺。伴羅  
薦。春衫。珠璫玉串。凝愁不捲。似新蟾樓側。初轉。恁生就  
影兒無幾。終日向人滿。消遣。綵絲雙綰。仗頻磨鉛華  
吹煖。依然相對。天遠。况霜杵魂驚。霖鈴路斷。濃粧近來  
嬾。只描得長蛾一半。菱花裏。自看妖冶。却勝薄情眼。

咏龍鬚

曹貞吉

崢泓勢猶怒。誰向煙波剪冰箸。憶當日青天乍擘。伴火  
鬣朱鱗。度雲穿霧。清秋島嶼。抱驪珠濃睡。腥雨莫也是  
汨淵戰罷。飄落翠蓬路。羈旅生涯如許。還藏得蛟宮  
幾縷。輕綃鈿盒潛貯。怕一夜驚雷破壁飛舞。何人拾鳳  
羽。便鬪草休教換去。他年事天風鶴背。拔下又重數。

湘江靜

蛤蜊

朱彝尊

曠殼深緘潭底竝。任吹殘老楓誰省。房同蘆雉。花輪石  
蛙占魚牀。清冷網漉兩筠竿。擲頭響青泥成餅。西風古  
水斜陽野田。等啁雀更無影。甲卸初湯沸。定一痕纖

嫩黃逾淨。不知許事相逢且食把膏脂都屏犯耶未醒  
時喚金釵小盤須釘幾番爲爾勾留住了早春歸興

探春慢

河豚

朱彝尊

曉日孤帆腥風一剪販鮮江市船小滌徧寒泉烹來深  
院不許纖塵舞到聽說西施乳惹賓座垂涎多少阿誰  
犀筋翻停莫是生年逢卯閒把食經品第量雀鮮蟹  
胥輪與風調荻笋將芽萼蒿未葉此際故園真好鬪鴨  
欄邊路猛記憶溪頭春早竹外桃花三枝兩枝開了

迦陵太史有雪中憶桐初東游之作予亦棲遲

未歸慨然屬和

蔣景祁

幾卜行期今朝纔是衝泥冒雪前路已別燕山尙遲東  
國屈指遙程三五冷落關河也怎踏遍短長亭去暮山  
何處孤煙莫是有人炊黍我亦天涯羈旅悔此日灞  
橋未共凝佇涿鹿城邊白溝河畔多少甓陵懷古戍壘  
星星在幾釀盡酸風淒雨過了燒燈問君把鞭吟處

澡蘭香

咏浴

李符

鬢攏鳳插胸褪猩羅解到麝裙綵結蘭波淺掬薔露微  
傾幾度怕深嫌熱首鮮膚頻溜來蕤渾如搓瓊捏雪金

斛鈿裝水霧輕籠嬌怯。犀角郎窺怎避。漸背窗燈又  
憎簾月。春渦薄粉。宮額輕黃。半被汗珠流脫。拭。攪巾倦  
倚檀牀。便整纖鈎。迨。未扣杏子單衫。一雙犀蝶。

船燈

黃虞稷

華林舊苑草蔓煙消。剩得鈞天樂府。輕舸幾葉。素幔深  
垂。又試蒲籥。簫鼓掉絳旌。忽殷晴雷。鮫室魚龍欲怒。十  
部橫吹響遏。高雲還住。唧尾中流。瞥見夢醒疎窗浴  
蘭兒女。星河燦影。柳岸搖陰。一片珠光齊吐。閃波心未  
定。雙眸疑是金鑄。電舞倩誰人喚起。明蟾爭妍三五。

味香櫟

雪客齋  
中賦

蔣景祁



盛來玉盃疊就金丸清供。画堂徹席博山爐冷。湘水簾  
垂依約晚煙江驛。憶當時曾識。青青新黃暗。翫輕摘一  
剪秋風漸老。茂陵歸客。却笑輸他焦味。柑子纔分木  
瓜剛瀉。爲誰酸澁。只甚團團脉脉。有人憐惜。付深閨。傍  
作單綃。隨意方圓入格。冰蔗好點。取花菱雪香初積。

睂嫵

望廬集句刻成題後

錢芳標

恨芝田館閣玉藥祠遙。煙路限攀躋。立盡霖鈴。兩人何  
在。衣香環韻。都歇蘅蕪。那覓蘸淚痕。聊寫腸血。錯拈起  
京兆勻睂。管覺吟句先咽。愁絕。蛩宵鶯節。只簾櫳清

影燭膩紅跋殘稿休焚却防他見香魂容易摧折哀蟬  
落葉倩素絲宛轉彈徹拚銷向三生箇楚些証鴛牒

壬子除夕

陳維崧

又殘更冉冉往事星星短髻被霜染夢入屏山路黃昏  
近金荷一盞慵點濃陰微慘任小樓和雨輕掩算今夜  
笑語香街沸有春勝雙鷗思念愁多類魔記簾窺秀  
黛柱映嬌臉詎意分飛後相思苦淚滴桃笙紅淡長江  
天塹况萬重敗驛荒店料此際有人只爲我翠蛾斂

雨淋鈴

種柳

成德

橫塘如練日長人靜蝦鬚低捲知他春色何許章臺望  
罷困酣嬌眼落焰淒迷又暗鎖隔水庭院腸斷處絮亂  
絲繁薄霧溶溶度雙燕 茅齋盡日倚陰轉背風花不  
辨春深淺移根幸自天上曾試把霓裳舞徧百尺垂垂  
早是酒醒鶯語如剪只休遮夢裏紅樓望個人兒見

秋日過城南蔣氏廢園感舊

史惟圓

窮秋淒切一池萍冷水面澄澈園亭問是誰王寒蟬無  
語向人凝咽砌柳千條應送盡殘焰明滅憶當日客散  
門前詩酒風流總消歇 如塵如夢何堪說只兩行惟  
石曾相識琴書拋落何處荒徑裏亂鴉啼徹明月無情

依舊飛來天上官闕都不管人世愁多動是消魂別

秋感

湯思孝

涼風初冽黯沉沉地宿靄凝結孤亭漫自延佇秋容慘  
澹露草萋萋轉覺吾衰甚矣念誰與珍惜關情處蛩咽  
蟬驚驟雨紛紛壓黃葉傷心鎮日爲羈客那更堪萬  
種愁堆積憑空望眼何際荒莽亂雲橫抹滿臆蒼涼  
縱是尋思好夢難得索待盼雁字來時莫負人消息

安平樂慢

元旦瑞雪擬宋人應制

鄒祇謨

甲帳雲開辛盤早薦天門曙色曠曉火城隊散仙瑤音

迴浮浮奕奕連空舞絮飄花看瓊枝四照碧海遙通飛  
素滿天中。御香繚繞煙融。便黃竹歌傳綠醕酒賜懽  
聞五老呼嵩佳氣連清禁紫皇新降蓋珠宮萬戶千門  
玉京畔群玉玲瓏賦幽蘭謝莊衣上侍臣初試春風

二郎神 第一體

清明懷古

陳子龍

韶光有幾催遍鶯歌燕舞醞釀一番春穠李天桃嬌妬  
東君無語多少紅顏天上落總添了數坏黃土只是你  
年年芳草依舊江山如許。何處當年此日柳堤花墅  
內家粧褰帷生一笑馳寶馬踏青原墓玉雁金魚誰借

問空令我傷今弔古歎繡嶺宮前白髮吞聲漫天風雨

前題

宋徵璧

良辰令序常逐輕煙薄霧青髻與朱顏總有良金難鑄  
傷心無數北府西園人不見剛增却白楊荒樹只問你  
凭高弔古繫馬停車何處休去鶴表遼城薪摧桂樹  
想銅雀臺前凝佇泣都化作絲絲細雨蕭蕭松柏西陵  
渡教石馬驚嘶日暮任漢篆秦碑鮮剝苔紋斷橫官路

前題

宋徵輿

煙煙雨雨門外韶光幾許昨夜悄東風吹到我凝眸處  
輕風無數滿目橫山渾似舊只忘却踏春歸路見一帶

空濛翠靄總是江南花霧。遲暮。桃落漁溪柳眠官渡。  
憶當年金尊同對客都付與青蒿黃土。燕子漫勞簾外  
說好教替愁人一句問天工何苦做得春來又將春去。

味淚

張雲錦

盈盈珠淚知爲阿誰頻墜。正日暮天寒紅袖薄那禁得  
搵來如洗不合燈前開鳳簡淹滅了幾行紅字。漫驚認  
斑生翠竹應是夜來曾倚。何事。斷脂流粉增人憔悴。  
便凍就真珠千萬顆料穿得也應難寄夜夜羅巾沾汨  
處怎辨取舊湮新漬恨夢斷天涯角枕春聲曉寒鴻起

綺羅香

雨

施紹莘

細不如絲輕偏抵絮別館層樓如霧綠漲風迴梅子青  
黃無數侵綺席溼帶歌霏上翠袖冷和人舞最難描一  
種淒涼今宵酒醒打窗處平平潮長晚急正一水人  
雙隔沉沉綠樹泣柳啼花如此画橋南浦幾箇筵收網  
人歸一付簑賣花人去是誰向暗室昏燈短香消半炷

十六夜

梁清標

曉雪纔晴華燈再耀粧點春城如画一刻千金欲買良  
宵無價曲闌倚檀口瑤笙六街騁玉鞭嬌馬氣氤氲飛  
霞雕簷銀花釵色光相射繡窗斜嬾試看宛似昔年



京兆風流重話。媚吐芙蓉處處。酒旗歌榭橋邊。女笑倩人扶笛裏。梅落來堪把。拋紅豆。誰結同心趁。蟾蜍漸下。

落花

宋徵輿

寒食煙消清明霧冷。一日便教春暮。千里飛花目送滿天紅雨。乍吹來深院珠簾。又舞向小橋官渡。血模糊萬點胭脂。杜鵑啼盡行人路。畫舸閣上窗開。爲問緋桃穠李。頓歸何處。芳草池中已被輕潮流去。空白說薄倖天涯早斷。送豔陽無數。向殘英泣望東風。夜深吹不住。

春盡日

彭孫遘

翠遠如空黛濃。欲滴簾捲青山無數。舊事難尋。春色總

歸塵土。撲蝶會如夢。光陰。研花牋。相思圖譜。惟東風不  
爲吹愁。凝眸又見碧雲暮。年來淪落。已慣任我一身  
長。是飄零吳楚。紅淚。緘題恨。字分明。寄與想南樓。柳絮  
飛時。是玉人夜來。凭處。應望斷。遠水歸帆。漾漾江上雨。

西湖清明

吳綺

風報桐花雨。吹榆片。春事三分啼鴂。人在湖頭。正值禁  
煙初熱。看十里入眼。風光是一歲。消魂時節。又誰禁南  
北。峰頭紙錢。却化孤山蝶。樓邊紅袖。徙倚聽得賣餠  
人過。玉笙吹徹。笑指西陵松柏。何年堪結。莫等待。潑火  
罪微。却做作打毬周折。且分付。簫鼓樓船。載多情夜月。

卸粧

石 泚

薄髻侵風柔肢瘦玉愁倚雕闌秋暮藻井生涼蓮步欲  
行還住抽寶樹墮馬蕭疎脫金粟盤龍辛苦待而今髻  
掩飛蓬鈿釵落地香泥污從教塵鎖玉鏡仍把鸞篋  
擲却黯然無緒膏沐誰容愁卸衛娘殘縷憐初月纖影  
鬆鬆是枕前亂雲捲絮記當日濃染春山曉粧花下語

聞箏

萬 樹

琥珀新絃玻璃義甲抱向羅衾排雁切切嘈嘈大小玉  
盤珠濺代象板半折蓮鈎掩螺黛一輪桃扇倚文窗低  
撚輕攏鳴喁如語乍飛燕尊前長拍短拍撥盡新翻

曲調都成春怨紅淚青衫曾對檀槽遮面誰再傷待月  
簾櫳早已過試燈庭院祇今有數點峰青曲終人不見

螢

宋 肇

借草生情因風弄影熠燿飄來何處箇箇輕盈點綴秋  
光無數纔亂穿小幔疎櫺又暗照空墻廢圃似從他狡  
獪天孫繁星灑作夜深雨佳人輕把扇子好撲取閒  
堦上玉纖籠住淒切寒蛩妬殺流輝遲暮怕燭至暫斂  
微明綴庭柯頓成珠樹最堪憐數斛徵求偏山巖放去

玉蘭

朱彝尊

紅木棉苞紫辛巳襍詎勝縞衣霜袂雪不封條但向花

房凝綴露一簇碧牡丹芽少幾點翠梧桐子笑依然玉  
樹陳宮臙脂肯浣井中水佳辰纔過上巳說與采蘭  
人道休尋漆洧第一瑤臺月姊交光相對便看雨轉覺  
龍鬆慣臨風幾曾憔悴似搓酥滴粉張穠喚來深院裏

宋牧仲席上聞歌

曹貞吉

抹麗凝香池塘過雨屈注明河天際雪酒銀桃六月燕  
山風味倩數聲玉笛吹來似一串驪珠擲碎看盈盈初  
日芙蕖雙瞳剪水兩睂翠青衫流落舊客遮莫嬌絲  
脆管難令沉醉幾點螢光猶照蒼苔無寐好宮調賀老  
教成倦心情屏風立地漫流連入破伊州記楓香曲子

沈融谷續娶夫人善琴書

高層雲

織句能工好音偏早依然林下風致若逸雲卿清潤丰  
標誰似裁蜀素試闢新篇鏤湘筠雙搖鏡底撥鐙書弟  
子先傳簪花小陣衛家室晚簾微月低照蝶錦半拖  
琴鬢主纖柔膩璫擘泠泠想楚明光堪擬聽幾點鶯語  
春山又數聲雁飛寒水掩犀帷猶辨清商任香殘翠被